


T 3205/2102.7

CHINESE-JAPANESE LIBRARY  
HARVARD-YENCHING INSTITUTE  
AT HARVARD UNIVERSITY

OCT 20 1941



崑山縣志缺頁表

卷一第七頁

卷二第十五頁

第廿六頁

卷三第六頁

第十頁

第十五頁

卷四第三頁

第十一頁

第十六頁

第三十一頁

卷六第十四頁

第廿三頁

卷七第七頁

第廿二頁

崑山縣志

後序

漢和

嘉靖

嘉靖

不佞體升承乏教崑山也則明府大

梁申公計治之三年所矣于時政通

人和百廢具興惟是邑志由嘉靖以

來罔有徵者將集諸故老而稽之適

太學上舍周君世昌手所編葺曰是

嘗究心于此申公曰夫志邑之大典

也官茲土者之責也庠校中之所出也以為而一人勞其有疑議公之哉以授不佞不佞讀之纒纒然文獻在茲矣備矣即校讎一二以為申公復則不佞生也遠烏克詳之退而與諸生之通博者四人攷厥世討厥故實編次名例稍加商確凡五月為成書

申公覽之曰是足以徵矣又質諸鄉先生若今比部王公水部陳公俱望于鄉者僉曰然于是鳩工而梓之不佞業觀成焉則當敘末簡不佞始至崑山雍容于庠校之間而知邑之有文也既習與其大夫士游上下有禮而知邑之有政也今迺知邑之有志

矣蓋無論前者不可攷自漢迄今茲  
千餘年其山川之故其城池封域之  
故其民風土俗之宜其名賢碩士勛  
庸之偉與其四方見聞之迹不佞詳  
之而竊言之也夫崑山邑耳其要者  
郡志志之即吳郡耳其要者一統志  
心之奚以哉夫近者難信難信難與

舉也遠者略略無據也郡有志天下  
有志斯其一斑之昭灼已抑不佞有  
進此者申公先已式標政無餘矣而  
矐矐攷志焉將無悉周茲邑之故事  
而進與古人論治乎不佞倘籍公之  
明德以終事茲又不徒觀志之成而  
已若夫攷覈未精無當于前志惟公

命之辱則不佞與有責焉尚俟後之君子

直隸蘇州府崑山縣署教諭事鄉進士錢塘後學王體升頓首拜書于育賢公署

### 重修崑山縣志序

余生中州徃徃閱載籍所稱東南之美輒若望見而不獲至焉比當爲吏得崑山則躍然以喜曰崑之以文獻甲東吳舊矣是吾夙昔所願游而不得至者今一旦吏於其土顧不幸歟及旣至奉科條惟謹外樂與其賢士

大夫游而知東南之美不獨以地也  
退而考其圖志意必有當於今昔所  
聞見者而反缺焉舊志自宋淳祐至  
今代嘉靖間作者凡五六人自方太  
常後迄今垂四十年寥寥乎未之續  
也豈其以文獻稱天下而顧猶有所  
不足邪余蓋心切圖之俄有以纂

### 郡志白

二臺者臺檄諸府府下諸縣會  
陳先生被

命過家因舉所善上舍周君以告曰  
是有事於載筆數年矣遂躬往求  
之又以學校乃公論攸關而鄉先生  
為衆言所準既請博士王君與三四

生者共加搜輯復是正於王比部陳  
水部二先生爲卷者凡八爲目者凡  
四十有四書旣成編以上諸府而府  
志所轄八州縣猝難集也因以其餘  
刻之邑中而檄同寅郭君董之夫以  
余之嚮往東南有日矣旣幸而竊  
於此交其賢士大夫以快疇昔之

而又有入焉舉其山川謠俗人倫風  
物之美古今升降沿革之宜續爲一  
書以備一邑之文獻而余適享其成  
豈非幸之幸者歟顧惟淺拙奉職無  
狀不足以貽後之君子獨以爲是書  
之成將使後之徵於今不若今之徵  
於昔之難也昔之徵而弗備不若今



之徵而備也借書以引其端若周君  
及諸姓氏則已別疏矣故不著

萬曆四年冬十月朔旦

賜進士第文林郎知崑山縣事 用川

申思科謹序

### 崑山縣志凡例

一志所以稽往迹勸將來也故有美而無刺然徇私而  
溢美非公也適以重往者之累而貽來者之譏爾若  
徇私而作惡則其罪益大矣故慎之

一名宦節烈等沒者乃為立傳見在者雖善未書科貢  
倣此

一古今人學行事業可稱述者倣一統志例悉為立傳  
並以人物表見之

一前志士大夫之事績簡少者或直書於題名下或附

見於祖父子姪傳中其可傳一也考之古志皆然今從之

一傳記碑刻有關於民風事體者即載於本題之下以便攷閱詩詞惟載前代及遠方之人慮其久而或亾也若邑中名公篇什則別集梓行多矣不能悉錄一水利為東南要務所宜亟講者也故舉前人水利說及已行而有成績者悉載之以備采擇一公宇學校祠廟等項有古蹟者舊志備載而前志偶遺之今悉增入

修志名氏

太

學

生周世昌編輯

儒學

署

教

諭

舉

人王體升補遺

承德

郎

刑

部

主

事王執禮

奉直大夫

工

部

員

外

郎陳王道攷訂

縣

學

生龔邦衡

沈孝

顧允燾

張文柱校閱

崑

山

縣

縣

丞郭維屏董刻

崑山縣志目錄

第一卷

建置沿革

分野

疆域

風俗

城池

山川

古蹟

市鎮

鄉保

坊巷

橋梁

井泉

第二卷

水利

戶口

田賦

土貢

土產

第宅

園亭

第三卷

公宇

縣官題名

學校

學官題名

壇壝

祠廟 寺觀 塚墓

第四卷

進士 鄉貢 歲貢 薦舉 例貢

第五卷

封爵 名宦 人物一 仕宦

第六卷

人物二 仕宦 貴戚

第七卷

勿三 隱逸 自 獨行

人物五

人物六 列女

人物七 雜著

人物八 仙釋

第八卷

災異 雜紀 遺文

崑山縣境界之圖

太倉州界

嘉定縣界

上海縣界






Table structure with multiple columns and rows, currently blank.



崑山縣城內之圖二

東





馬鞍山境之圖

三



昆山縣治之圖



四






崑山縣儒學之圖

五





崑山縣志卷之一

建置沿革

邑人周世昌編輯

哈佛大學漢和  
圖書館珍藏印

崑山古婁縣也在蘇州府治東七十里禹貢揚州之域周

為吳秦置嚠縣屬會稽郡 葉子強題名記崑山秦嚠邑也按今嘉定縣有嚠城鄉疑古縣

治漢王莽曰婁治以縣有婁江得名 漢書曰改於王莽時 今縣東北

三里有婁縣村歷後漢吳晉宋齊俱隸吳郡梁天監六年

分置信義縣屬信義郡今縣西二十里有信義村 俗訛為真義

大同初又分信義置崑山縣仍隸吳郡以縣有崑山故名

今山分屬華亭界隋開皇九年改吳郡為蘇州而崑山信義二縣俱廢十八年復置崑山縣隸蘇州唐因之天寶十載太守趙居貞奏割縣之南境及嘉興海鹽地置華亭縣大曆十二年陞隸二千戶會昌四年陞望三千戶宋改蘇州為平江府崑山隸焉嘉定十年太守趙彥橐提刑王棐奏割安亭春申平樂醋塘臨江五鄉隸嘉定縣元元貞二年以戶口計例陞為中州隸平江路時州治在馬鞍山前延祐元年遷太倉太倉在崑山東三十六里至正十六年丙申張士誠僭據遣偽將高智廣守之十七年皮福復遷州治于故所丙午十一月十五日

太祖高皇帝命徐達討平之知州費復初率民歸附洪武二年復為縣隸蘇州弘治十年巡撫朱瑄等奏割縣之東北境湖川新安及惠安鄉之半并常熟嘉定地置太倉州

分野

揚州之域上屬星紀

爾雅斗牽牛吳分野斗者日月五星之經始故謂星紀

疆域

東西四十五里南北一百二十五里管里二百二十八東至太倉州界二十里到太倉州治四十里

西至長洲縣界二十七里到長洲縣治七十二里  
 南至華亭縣界八十里到華亭縣治一百五十里  
 北至常熟縣界三十六里到常熟縣治一百五十里  
 東南至上海縣界四十五里到上海縣治一百五里  
 東北至海一百五十里到崇明縣治二百九十五里  
 西南至長洲縣界五十里到長洲縣治一百里  
 西北至常熟縣界四十五里到常熟縣治八十里  
 西至南京水陸路並六百六十里  
 西北至北京水路四千一百六十二里陸路三千八百里

風俗

風土清嘉陸機

俗多淫祀

第五倫傳

人有恒產多奢少儉

舊誌

士以及訟庭登酒壚為耻民以務孝養勤本業為事

舊誌

好學而知禮尚孝而先信

蘇子強縣令題名記

崇尚禮遜無復好劍

爭鬪之習然多奢少儉競節物信鬼神

凌志仕者重名檢

薄榮利民務耕織漁賈鮮游手游食之習

顧誌

家知讀書

人知尚禮君子以靜退為榮而惡久淹小民以含忍為強

而厭終訟

方誌

士耽文學民勤稼穡禮節之行俱從簡易

比年以來習尚稍異黜素崇華好訟佞佛

今誌

崑山自昔號稱壯盛四時土俗與諸縣亦畧相同歲朝以祖考像懸之中堂男女叅畢始賀尊長無貴賤長幼交相慶拜謂之賀正農家則凌晨起觀風雲以下水旱疾疫又取瓦瓶及淨水秤之以日當月一日一易水秤至十二日以評一歲若此日水重則是月有水極有攸驗初八夕各家爭看叅星以下旱澇十四日以秫穀爆於釜中名字婁又名卜流人自爆之以卜一歲之休咎兒女輩用綵線貫之簇成花狀插於髻上元日張燈各爲巧麗相競歡舞繞街宵鼓達旦二月初八俗稱祠山張大帝誕日其日西南

風則農有秋望十二日花朝天氣晴明則百菓五穀無損寒食競取麥葉插於門戶男女皆佩戴之清明取柳亦然此二日無貴賤各率兒女携酒殺楮錢拜掃丘壟以祀其先四月十五日爲山神會縣設犧牲祭之衆遂昇神出遊爲雜劇諸戲觀者如堵五月五日爲角黍飲蒲酒又用雄黃酒遍灑墻壁云祛毒虫午時採取百草之可療病者畜之爲藥七夕女婦以鳳仙花染指爲飾又以絨線對月穿針或有設瓜果乞巧者望日爲木蓮尊者救母之晨人各薦亾謂之盂蘭分血會八月農家祭土穀神名青苗社重九

婚姻家餽遺用麩為糕五色錯雜謂之重陽糕詩人高士  
亦有以菊花茱萸飲酒登高者十月朔俗名燒衣節人無  
貧富皆祭其先富家多用是日開爐熾炭冬至親朋饋送  
交馳於道拜賀者互相往來紛紜三日臘月二十四日板  
除房舍塵垢是夜祀竈俗稱送竈神升天稟事於上帝二  
十五日爆竹驅疫崇田家燃炬名照田蚕祀先用除夜焚  
蒼木辟瘟丹家人酌酒分歲易桃符以白灰畫弓矢於地  
向明飲屠蘇酒此一歲風俗之大畧也 親友有疾共禱  
城隍祠名保狀有喪則發引之日相率祭於道退各享餘

不煩喪主其最厚者贈以舟輿備僕布裘之類故喪禮易  
成焉 宋時歲節冬至縣官率鄉之縉紳士友聚拜於學  
之明倫堂會茶而散禮儀雍雍長幼有序他邑所無自樂  
菴李公行之久而不廢逮七十餘年縣尹項公澤復捐金  
置祖以充所費今俗尚不異於昔日而明倫堂會茶一事  
不可見矣姑記之以俟後之君子云

君子欲行道於天下

固無乎其不敬也而鄉里寔先焉夫一鄉之間有習俗焉  
吾善所由成有評議焉吾畏所由在柰之何其不敬也蓋  
自聖賢莫不皆然傳曰辟如行遠必自邇辟如登高必自  
卑君子之道豈有不行於鄉而行於天下者乎吾崑山古  
稱文獻循至我朝仕者益多有若吏部尚書余先生煥充  
州知州盧先生熊山東參政林先生鍾沁州知州呂先生

昭其子僉事先生曰中書舍人朱先生吉金鄉訓導前監  
察御史范先生從文其孝弟行於家忠誠結人主教化在  
學者惠澤在生民有不職舉姑舉其居鄉之畧言之吏部  
族不顯父以藝稱吏部造謁鄰曲不值輒致聲曰故余某  
子來拜也時以試左通政居憂官府事如不聞曰惟汲汲  
訪其師殷強全詩文編錄以傳出入不御輿馬兖州嘗扁  
舟徧村落間訪覈府誌事迹里中長老見衣冠儒者每延  
之上座兖州曰齒少法當居下參政華亭人訓導崑山邑  
之子第一寫樂之能一韻語之工卽揭諸講堂之壁號於  
人曰是某生之為吾固不能及也沁州父子居鄉如其居  
官非其義纖芥不取諸人僉事卒老于貧鄉人醵金葬之  
范先生晚自文學休致歸閉門著書對賓客輒求其急遇乞  
修譜事朱先生親友有負租抵罪者鬻書以赴其急遇乞  
書法帖者欣然諾之奉以潤筆弗納也於戲老成凋謝典  
刑日遠後生晚出如盛等流蓋未能無媿於諸先達而於  
諸先達之風安得不喜談而樂道之哉此吾於徐朱二君  
之行雖欲不言而自不能已於言也徐君明字季昭會稽  
訓導朱君旻字希仁與予同舉進士諸賢浮梁兩學訓導

二君同為吾崑山人同九年滿考上京師既貴而歸  
鄉鄉之人重之又同蓋所謂不變塞焉者其於諸先達或  
為耳聞或為目見又皆同於予予故特舉鄉人之說為一  
君贈度幾後吾三人而出者或聞風而興起焉寔二君有  
以倡之亦以信二君之  
道將大行于天下也

世按舊志人有恒產多奢少儉則知人情之易流於奢  
也在昔已然而今又非昔比矣邸第從御之美服飾珍  
羞之盛古或無之甚至僕隸賣傭亦泰然以侈靡相雄  
長往往僭禮踰分焉為民師帥者執其機而轉移化導  
之正風俗之首務也

城池

崑山城相傳為吳子壽夢所築今無攷宋時列竹木為柵  
元至正十七年海寇方國珍犯境始築土城禦之城有六  
門弘治四年知縣楊子器建樓其上各以方隅名之東曰  
賓曦西曰留暉南曰朝陽北曰拱極今日曰拱辰東南曰迎薰西  
南曰麗澤嘉靖十三年又於東門外築水關一座上有門  
樓三間扁曰天風海濤時顧文康公鼎臣軫念崑山濱海  
土城日就傾圯脫有驚變無城可守乃言於撫按憲臣疏  
請沿海諸縣無城者次第舉事惟崑山最為要害首議興  
築修葺舊基甃以磚石下半用砂石上半用火磚經始於嘉靖十八年

吾國吾民何賴焉此又諸公所深望於後人者也是為記

賓曦門水關之南裏外俱有濠城介兩濠之間海潮捍  
土疏而善崩弗克支遠知縣鮑龍欲為堅久之計乃曰于  
巡按御史舒汀廣其址以達于顛顛用石弁旁皆磚灰護  
之中實以土凡三十有二丈城始完固周鳳鳴記  
麗澤門樓舊在麗澤門上因碍學宮嘉靖二十七年巡按  
御史饒天民命改建於水關之東

古圖經云縣故有城然湮廢已久宋時婁縣村猶有城基  
其田尚有城裏田之稱墟落間以城名者十二今可至者



七爾陵萬頃志

東城在縣東三百步城雖莫攷而橋巷猶以東城名吳志云耕者於東寺後多得古城磚及銅箭鏃疑即壽夢所築也

武城在縣西北漢書婁縣註有南武城俗傳吳闔閭起以候越

金城在縣東三里世傳吳王所築今有金城浦

度城在縣東南七十里相傳為黃巢築今有度城潭

西鹿城在縣西一里有卜將軍墓墓碑云墓崑山西鹿城

巴城在縣西北十八里其地有巴王廟巴城

湖亦以雉城名

加鼎城瓦浦城並古經所載今莫詳其處

山川

馬鞍山在縣西北廣袤三里劉澄之揚州記婁縣有馬鞍

山天將雨輒有雲來映此山山亦出雲應之乃大雨舊誌

山高七十丈孤峯特秀極目湖海百里無所蔽山之陽有

慧聚寺其上皆擇勝為僧舍寺僧星居凡八十餘房望窓

霧閣屢見層出吳人以為真山似假山最得其質唐子孟張

題詩宋益嶼山圖序皇祐中王荆公以舒倅被旨來相水

利夜秉燭登山閱孟張詩和之而去遂為山中四絕登臨  
勝處古上方為冠月華閣妙峯庵次之山之巔有華藏寺  
及浮圖七級南有桃源洞北有鳳凰石山之中又有翠微  
連雲凌峯諸閣芝華豐年凌虛諸亭夕秀壓雲翠屏留雲  
諸軒淳熙間月華先焚上方次之歷年滋久皆不復存山  
神祠在山東偏西有文筆峯相傳宋孝宗時魁星見於此  
衛涇清叔及第始縣以崑山得名今其山割隸華亭縣界  
此則馬鞍山也馬鞍山圖慧聚二湖之名刹肇跡于梁  
天監中者舊反傳昔者法師慧尚駐錫之  
地諒是塔廟力所未給精切誠至俄有鬼神之神助一夕雷  
電大作怒風惡雨明而視之宏基屹成殿之階是也觀其

哀礪礪積欽在蒼崖崇崗之根直逾引繩力邁截短  
願背負柱石彈巧窮妙信非人力之可致是以自時厥後  
馬奕蟬聯月增日崇底今大備寺之疆境據崑山之西北  
寶勢屹嶮依馬鞍山繚繞而上高七百尺茂林修竹松檜  
藤蘿之隙又有靈苗佳卉珍藜秀蔓自紅自綠霜霰弗凋  
佛宇僧室踈曠爽快之處蔽紅陰而醫綠影者基布櫛比  
幾二千楹經畫締構乃若躋躡煙霞偃仰風月

軒堂亭榭臺閣樓觀往往在橫跨傑出旁峙挺立若鳥之翔  
如獸之蹲甚者架虛排空玲瓏縹緲層層疊疊銀珠金壁  
之相耀乍顯乍晦于翠雲紫靄之顛加以巨海處其左重  
湖居其右俯瞰松江之涵湧側顧揚山之巖岈朝北暮變  
供秀氣而借清光指掌之間四望百里真天下雄壯奇偉  
之觀也然而姑蘇一隅地極僻側弗類乎杭之天竺潤之  
金山當冠蓋之衝臨車航之會萃乃非凡之勝葉包蘊停  
蓄止見於近未聞于遠量彼較此為之不平適主事僧法  
全刻圖于石踴躍執筆從而道其始末度或流派傳之四  
坊且俾好事者燕坐几席髣髴乎登朱橋步碧砌審衆水

之環山想孤峯之擎寺必稱其灑落峻峭茂一點其瑤之  
 氣可以壽天竺儷金山並驚而同馳靡分先後蓋亦揚善  
 成美之志也雖然模之于畫述之于書寄象寓數持其糟  
 粕殆有畫之書之莫窮莫盡之妙潛藏默論于象數之表  
 觀者自得新圖也豈獨誇詫是招提而已耶因以見國家  
 太平一百六十年之成神功聖德格于上下覆護函無  
 垠無涯故茲山邑水鄉幽閑荒阻之地尚克闡緝舍而身  
 繫徒為民祈福有如是居有如是景嗚呼休哉政和元年  
 十一月旦知縣事蓋嶼記 **唐孟郊馬鞍山上方** 昨日到上  
 方片霞封石牀錫杖舞苔苔上日袈裟松栢香晴碧無短韻畫  
 燈合元光有時乞鶴歸還訪逍遙場 **唐張祜馬鞍山上方**  
 影照中岫孤烟竹裏村憑高聊一望歸思隔吳門 **宋王**  
 亦香掃石出古色沈松納空光久遊不忍還迨述冠蓋場  
 峯嶺互出沒江湖相吐吞園林浮海角臺殿擁山根百  
 里見漁艇萬家藏木村地偏來客少幽興與柢桑門 **國朝高**  
 僧元跌狀石姿生寒稜松子落

古香殿鎖山雨氣樓迎海曦光遙望蒼蒼城愁是車馬  
 煙斂城初出潮來野欲吞危樵綠磴角倦神憇松根  
 表藏林寺鍾聞隔海村畫龍飛去久空掩殿堂門  
 境林麓好陸龜蒙 **全吳臨巨真** 及日休 **青山天一隅** 李頌  
 暖暖烟谷虛常應物攀雲造禪窟常應物躋陰築幽居  
 靈運道人刺猛虎李白 **復來薤榛蕪** 杜甫 **咄嗟檀施** 陸  
 甫 **以有此星廬** 韓愈 **側疊萬古石** 李白 **功就豈斯頌** 郊  
 礪成廣殿陸龜蒙 **鬼功不可圖** 皮日休 **有窮者** 孟郊  
 愈 **過此亦躊躇** 孟郊 **賦詩留巖屏** 李白 **詞律響瓊瑤** 錢  
 我訪岑寂境陸龜蒙 **幸與高士俱** 常應物 **時升翠微上** 李  
 自涼閣對紅渠常應物 **岸曠偃東齋** 常應物 **果藥雜芬** 數  
 常應物 **上方風景清** 白居易 **華嚴綽有餘** 白居易 **高窓**  
 遠郊常應物 **萬壑空明晴初齊** 白居易 **賞愛未能去** 常應物 **頽**  
 照桑榆 **宋孝武老僧道機熟** 柳宗元 **閒持貝葉書** 柳宗元  
 秉心識本源杜荀鶴 **高談出有無** 李白 **茗酌待幽客** 李白 **頽**  
 今煩抱舒常應物 **儒道雖異門** 孟浩然 **意合不為殊** 李白  
 并微垢域衣自居易 **惟有摩尼珠** 杜甫 **餘生願依止** 賈島

投策謝歸 中多奇石秀質如玉雪好事者得之以為珠玩

號崑山石 崑山定飛來美玉山所有山祇

幾書頌置郵一片未入手即今製錦人在昔代不友嘗蒙

投繯段尚闕報瓊玖奈何不願充物更乞取但懷相知

心豈憚一開口指揮為幽尋包裹付下走散帙列岫窓歷

澤慰心衰朽 張 崑山尺壁驚人眼眼底都無

華蒼隱若連環蛟仙骨重於沉水辟寒香孤根立雪依琴

薦小乃朵生雲潤筆牀與作先生怪石供袖中東海若為裁

其山先無樹木正統初知縣羅永年捐俸買栢遍植于上

禁毋剪伐歲久鬱茂而山之景益勝人呼為郎官栢 禮部尚書

崑陵胡 崑山高一百五十丈周圍八里輿地廣記陸氏之先葬此

山上衡兄弟生焉時人以玉出崑岡比之故名 陸道瞻

衡贈從兄詩云彷彿谷水陽婉戀崑山陰是也山今在華

亭縣西北二十三里蓋割崑山之境以縣華亭而縣名仍

曰崑山若縣之別號則曰玉峯云 湯備 雲重山光翠欲流

死後無人識石腹節藏不採收 是王 難求下和

翠欲流更窮絕頂望神州大開西北風雲合地圻東南日

月浮灌木水村鳥亂下長林樓觀鳳曾遊于今風物非疇

昔萬井烟花碧海頭 夏原 崑阜遙看小一峯登

臨渾欲接青天神鍾二陸人材秀勢壓三吳地位偏巖溜

下通僧舍井林霏近雜市塵烟幾時重著遊山屐來訪當年種玉仙

土山一名南山在縣西南一里上有十將軍廟

秦柱山在縣南三十里千墩浦南帶海上有烽火樓基吳時以望海寇吳錄云一名秦望山秦始皇嘗登此望海故

名按圖經秦望山在海鹽縣東十八里秦始皇登此望海

秦柱山高止二丈去海甚遠豈能望之耶盧公武郡志云陵谷變遷古今不一夫敢信其必然也季志云望祭名也書曰望于山川疑始皇登此以望祭于海故傳會之歟

姑存之以俟博識者唐薛稷登秦望山南登秦望山日極

大海空朝陽半蕩浴晃朗天水紅谿壑爭噴薄江湖滬交

通而多漁商客不悟歲月窮振緝迎早潮弭棹候遠風予

本萍泛者乘流任西東茫茫天際帆洒泊何時同將尋會

稽迹從此訪任公

媧婦山在縣東十八里周圍四十步高一丈五尺上有媧

婦廟見圖今大泗村有女媧聖姑廟而山則夷矣

又石尺上有興福寺

塘里能仁寺後高二丈餘宋范良遂讀

扁巨墨莊

在縣東南十八里惠安鄉洪莊村見古蹟

在縣西二十里朱塘鄉見塚墓

在縣東南三十六里泖川鄉其水曰千墩浦塚之名

蓋為松江自吳門東下

三此江之南北并有千墩故名或云縣東北三十里地名

不亦百墩九百九十有九與此合為千墩未知孰是十八里墩在縣西南一十八里朱塘鄉至和塘傍今夷

湯墩在縣東南六十里全吳鄉今村猶以湯墩名

青墩在縣北十五里積善鄉今呼青墩廟

積善鄉在縣西南十里積善鄉

鹿墩在縣東北三十六里惠安鄉今無考

朱塘鄉在縣西南二十五里朱塘鄉

惠安鄉在縣東六里惠安鄉

泖川鄉在縣東南六十里泖川鄉

積善鄉在縣北十五里積善鄉

吳淞江之南全吳鄉

鳳凰墩在吳淞江南今名

兵墟在縣東二十里惠安鄉傳吳王

高墟在縣西十五里有小山名卽陸氏依吳

戴墟在縣西南三十里

吳淞江在縣南九里禹貢三江之一史記正義云

南有三江口西南上七十里至太湖曰松江古

北上七十里至白蠟湖曰東江亦曰上江

里入海曰婁江亦曰下江其分處號三江口顧夷

亦云松江東北行七十里得三江口東北入海為

南入海為東江併松江為三江今吳淞江蓋古昔舊志

以為婁江者非又名新江即吳淞江宋時嘗於華翔置新

江驛今華翔去吳淞江僅百步是其証也國朝永樂二年

蘇松水患命戶部尚書夏原吉太常少卿袁復率知縣

狝大發夫工開濬民甚利之號下駕浦曰尚書浦

少卿墩八王渡曰郎官渡示不忘也自此以後當

屢施疏治其詳見水利條葉時亨短棹夷猶落照間不

頰葉香殘秋水寒朝市觸塗成險棘風波投

鷗盟在客尋理急辦烟策與釣竿

木蘭棹江行趁落潮雨分牛脊近雲隔馬鞍

特成疎闊交朋竟寂寥謾詩曰歎酒那得

婁江一名下江乃松江東北之支流也見顧夷吳地記及

揚都賦註按殷奎崑山志云自縣治西歲久湮塞居民圍

而為田宋至和中又築堤成塘婁江故道不復見矣今郡

城東之婁門東行七十里得古婁縣皆以婁江得名自是

而下東北入海水勢洪駛並無迂曲婁江舊迹昭然可見

朱氏續志曰崑山塘自婁門歷崑山縣以達于海即婁江

也今俗訛為劉家港云

新洋江在縣東南六里南承吳淞江流入至和塘舊志云

龍山縣志

卷之二

十四

張昇

岡身中有橫塘通小虞浦其餘支派皆通運河

勦娘江在縣西南十五里西通吳淞江東出吳淞江

澱山湖在縣南八十里北岸屬崑山南屬華亭東西三十

六里南北十八里匯蘇湖秀三州之水水由西南趨東北

入吳淞江大江入于海有經過澱湖疎星殘月尚朦朧閑

直疑身到水晶宮烏鴉天際墨千點白鷺灘頭

玉一叢款乃一聲回首處青山渾在有無中

陽城湖東屬崑山包湖蔣志巴城湖傀儡蕩三水合為一

在縣西北其所通之浦凡十曰吳涇真義浦黃浦朱昌涇

俱在其南曰張茜涇上尤涇巴城涇雉城涇則在其北自

尤涇雉城涇入于大虞浦梁里浦則南入于松江諸湖

惟此最廣沈周晚婦陽城湖薄暮及東汎眼豁連翳

似空植疎處方水森然山黛一痕塞夕陽掩半面雲浪為風

勒便以湖作紙欲寫手莫即見管况難諦歷多何暇憶舟

子無雅情雙櫓奮歸力

巴城浦在縣西北二十五里西南由施澤涇至陽城湖南

自西尤涇出傀儡蕩東自尤涇出至和塘東自温焦涇出

雉城湖雲漁歸去打雙槳巴城湖頭日欲曛巴王殿下水如

秋歷歷霜清木落雨紛紛杜陵飄泊誰知已搔首風塵政憶君

傀儡蕩在陽城湖南六里由黃漬浦出至和塘



雉城湖在縣西北十八里上接陽城湖東北入大七浦達于海方志云今成田

度城湖在縣南七十里又名度城潭北自石浦道褐浦蕭市浦入吳淞江

鰻鱺湖上承江湖流入浪港等浦入于海方志云與雉城湖俱成田

雙洋蕩在縣南三十六里上接大慈涇北由洼浦入吳淞江

白蕩在縣南三十六里南連朱砂港西承陳湖今名白家田

盛蕩在縣南六十五里西接大直浦東由合浦入范青流

范青流在縣東南七十里干墩浦口南連澱山湖舊傳范

家田今成巨浸又曰趙田湖

朱窠灤在縣南三十里全吳鄉北自東宿西宿兩浦會于

棠梨浦入吳淞江

栢家灤大泗灤二水合為一在縣北十八里惠安鄉南自

新洋江入于吳淞江西自牛尾涇清水港櫻桃塘入于鰻

鱺湖方志云今成田

江家灤在縣西北二十里積善鄉南連鰻鱺湖北入七浦

塘方志云今成水田

按邳置水利論崑山有夔家灤莫攷所在鰈灤即鰈  
灤湖也

至和塘自縣治西達於婁門凡七十里通連湖灤皆積水  
無陸途甚為民患由唐以來不果修築宋皇祐中發運司  
建議命舒侔王安石相視繪圖以獻亦不果行至和二年  
主簿丘與權始陳五利力請興作如其不成願以身塞責  
既而知縣錢公紀復言之乃率役興工始克成塘遂以年  
號為名為橋梁五十有二以洩橫衝之水以濟來往之人  
至今為利是後屢加修築互見水利條

吳城東闔距崑山

鰈民

由隄防之不立故風波相憑以

鰈民

為其民病賦入之侵蠹相從以漻漻

鰈民

亦通監賈以自利吏莫能禁父老相

鰈民

者亦繼經度之皆以橫絕巨浸費用十

鰈民

不患乞置官司以賦洩之請今舒州通判殿

鰈民

相視焉朝廷從之王君既至從縣吏擊荒

鰈民

人盡得其利害度長繩短順其故道施

鰈民

議如許公朝廷未之行也至和初今太守

鰈民

以所愁若益有意於疏導矣明年與權為

鰈民

四曰止益賜力曰禁姦商其餘所濟非可以勝顯明約故

鰈民

既而令錢君復言之太守嘗念所以興利之計喜其謀之

崑山縣志

卷之二

二

甲午治役先設外防以遏上流立橫隄以限之乃自下流  
浚而決焉畚鍤所至皆於平陸其始戒也倡風號靈迅雷  
以雨乃用牲於神至癸巳夜半雨息連明休霽以率其役  
人皆以為有相之者始計月餘蓋旬有九日而成深五尺  
廣六十尺用民力總一十五萬六千工費民財若干貫米  
總四千六百入十石為橋梁五十二特榆柳五萬七千八  
百其二河植菱蒲芙蓉稱是計其入以為修完料民之餘  
治小虞自嚴村至於鰲鱣潭治新洋江自朱瀝至於清港  
治山塘自南山至於東浚諸涇六十四浦四十四塘六松  
是陽城諸湖濠皆通而及江田無滄豬民不病涉矣初治  
河至唯亭得古閘用栢合抱以為楹蓋古渠况今深數尺  
設閘者以限松江之潮勢耳耆舊莫能詳之嗚呼為民者  
因循而至此乎是役也自城東走二十里曰任浦崑山縣  
治其東長洲治其西以俗名非便於是論請更之曰至和  
識年號也建亭曰乙未記歲功也太守嘉其有成謂與權  
實區區於其間其言必詳命之為記嘉祐六年十二月立  
於乙未亭

小虞浦在西柵南出吳淞江北通諸湖塘浦嘗為渾潮漲  
塞宋咸淳間置閘於嚴村灣至今以閘頭稱之

東市河在縣城內南通須浦入至和塘

南市河在縣城內西南通至和塘東出城濠

西市河在縣城內南通城濠北出至和塘

篩穀浜在縣治西

元季豪族曾仲文所居至正間運穀魏涼農民輸納至此篩淨今訛師姑浜

按舊志涇港塘浦之可紀者積善鄉有至和塘許墓塘顧

墓塘夾潮塘漢浦塘六河塘櫻桃塘橫塘山塘官塘四塘

針塘婁縣上下塘大小虞浦溢瀆浦新漕浦李箕浦須浦

馬仁浦 秦浦 熊莊浦 老鴉浦 浪野浦 迎鍾浦 潭市  
 浦 朱浦 葛浦 曹浦 廣浦 馮浦 寒浦 丁丁浦 陳段浦  
 牛皇浦 邵浦 黃昌浦 石人浦 吳浦 景浦 丁浦 盛  
 涇 渭水 港

宋孝廟 城塘 聖王塘 古塘 官塘 黃瀆浦 界浦  
 心浦 平樂浦 華翔浦 韓溪浦 石榴浦  
 上元浦 顧市浦 師姑浦 鰻鰂浦 施澤  
 涇 二千涇 雉城涇 全吳涇 東西魚  
 張涇 大小南涇 羊心涇 羅莊涇

朱金涇 天渭涇 黃蘆涇 廟涇 相涇 橫涇 光涇 武城 東西港  
 莆港

全吳鄉有白蓮河 大小直河 曲塘 浪浦 下張 清顧 仙浦 漁  
 漣浦 甘子浦 趙浦 新漕浦 宿浦 齊浦 張漫涇 管涇 季皇涇  
 界涇 張治涇 大慈涇 新涇 潘昌涇 邵涇 徐涇 剎力涇 界浦  
 港 合塘 港 黃涇 港 凡規 港 山涇 港 戈家 港

泖川鄉有石塘 曲塘 古塘 磧 磧塘 橫涇 塘 大小石浦 道 謁  
 浦 陸 虞 浦 溢 浦 干 墩 浦 善 浦 牛 脊 浦 若 里 浦 王 墓 涇 白 段  
 涇 滂 學 涇 莊 礪 涇 楊 槍 涇 柳 涇 黃 泥 涇 坊 巷 涇 寺 巷 涇 小

錢涇陶墩涇王土涇方盛涇八千涇寺涇廟涇度城涇張  
涇大漕港平林涇潮山港

武元鄉有茹律塘王孝塘車塘大小胡浦白雉浦野瀆浦  
張六浦北弓浦夏侯浦大小瓜瀆浦市浦天明浦黃墩浦  
陶仁浦茅老浦東茅老浦宋浦平巷浦徐浦城近浦錢涇  
邵莊涇東全涇大小橫涇黃鄒涇西楊閭涇小蔣涇陳從  
涇黃泥涇彭段涇泥橋涇木葉涇廟丫涇獨兒涇新豐涇  
馬祁涇陳顏涇陸巷涇汪莊涇南北殷涇馬塘涇麥段涇  
平涇胡浦涇白西段涇東陽涇四段涇新涇封涇殷涇

趕涇郭涇戴涇趙涇莊涇李涇甲涇何涇巷涇腰涇

永安鄉有朱泉塘雞鳴塘黃孝塘郭澤塘曹塘橫塘黃墅  
浦三林浦顧慕浦瓦浦小瓦浦北澥浦潘孫浦大小須浦  
陳連浦白填浦徐公浦大顧浦金龜浦鴨善浦木瓜浦北  
陳浦白鶴浦武桑浦眉浦鄒浦蔡浦彭浦沈浦蔣浦姚浦  
楊浦究浦盧浦金浦嚴莊涇北涇談涇寺涇乙涇丫涇刁  
涇蔡涇馬涇汗涇鮑涇全涇戈涇朱泗港六家浜吳涇陸  
涇張師涇木瓜涇西泗涇西六涇蔡墓涇中城涇石丫涇  
官路涇新開涇薛家涇田漚涇若墩涇廟丫涇朱洞涇馬

胡涇連水涇泗橋涇陸緒涇安亭涇朱村涇據莊涇交段  
涇南交殷涇鯁洞涇流浪涇廟了涇東西潘涇丁鮎涇謝  
胡涇牛洞涇韓村涇塘子涇莊基涇董段涇螺螄涇朱至  
涇潮庭涇黃丫涇

惠安鄉有行孝塘古塘新塘官塘白芎浦央浦中趙浦南  
北趙浦郊浦胡浦莊浦中洛浦徐涇夏公涇張烏涇茭門  
涇錢涇杭涇朱家涇斜涇新涇盛涇時涇葑涇湛涇吳家  
涇橫涇歷塘涇枯竹涇廟涇鳳涇混泥涇邵涇燕涇黃涇  
宋家涇鴨腳涇

右各鄉浦港皆名隸朝郡者而所謂某家浜其家港之  
類不在此數

### 古蹟

三王廟

在縣治西南陳老橋西元知州費復初重修參知  
政事陳秀民記洪武二十六年廢碑記猶存學宮

孔子宅

宋淳熙間華亭縣民浚河得一碑云天寶六年黃  
池縣令朱某葬于崑山縣全吳鄉孔子宅之西南

今華亭有孔宅  
村疑卽其處

巫咸宅

郡國志載婁縣山下有巫咸宅不言何山隸本縣  
者惟馬鞍山無巫咸故宅當時必有所據歷世久

遠不可  
稽矣

烏夜村

在縣城南村人何淮產女之夕羣鳥驚鳴明日大  
赦又鳴衆咸異之後淮女爲晉穆帝皇后因名其

地曰烏夜村高谷荒村烏夜栖忽繞月明啼生得東家女  
身為萬乘妻至今種高樹不遣烏飛去居人凡幾家愛聽  
啼啞啞啼啞啞勿驚  
泣婦開門向鳥拜

**黃姑村**

在縣東三十六里即宋龔宗元所居之地相傳有  
織女牽牛星降此織女以金篦劃河河水湧溢今

村西有水名百沸河鄉人立祠祀之祠中列二像建炎兵  
火時士大夫多避地東岡有范姓者經從祠下題於壁間  
云商飈初至月埋輪烏鵲橋邊綽約身聞道佳期惟一夕  
因何朝夕對斯人鄉人遂去牽牛像獨織女存焉禱祈之  
間靈迹甚著今其  
地分割太倉州

**天女墩**

在惠安鄉三十保洪莊村墩上下皆茅葦中間一  
路若有人行者雖植草不生相傳天子之女葬於

此莫記何代墩中有金龍舟每風雨夕聞鉦鼓聲有村氓  
夜過其處見金龍舟攫之得一神像長尺許歸即大病乃  
棄水濱明日不見病尋愈嘗有惡少  
年發視之為毒蜂飛火逐之不果

**陰陽栢**

高麗國進陰陽栢兩株高纔二三尺高宗以賜王  
絢絢種於永懷寺殿庭之左右寺即絢之祖審時

香火院也今栢高與殿齊每  
歲左花則右實右花則左實

**經臺鐘臺**

在慧聚寺前扁皆李後  
主書 宋淳熙間燬

**宋仁宗御書放生池碑并項公澤跋**

俱詳清  
真觀

**鬼壘臺張僧繇畫龍**

俱詳慧  
聚寺

**開江第二指揮營**

在縣西南二百八十五步原額五百人  
創於五代錢氏宋因之專治田事導河

築堤以減水患自朱勳進花石綱盡奪營卒以往其營遂  
空紹興二十八年知府蔣璨言于朝乞於崑山縣招填五

百人仍隸開江指揮移之後縣徙于州而邑之營地遂改  
為常平倉又改為觀風館又改為全吳驛又改為務官廳

廳廢隸  
縣學

**問潮館** 在驪馬橋西宋淳熙間有一道人誦議云潮過夷亭出狀元崑山雖近江海自古無潮汐紹興中始有潮至縣郭侍御史李衡親聞議言大異之乃告知縣葉子強遂築問潮館於水濱至是潮忽大湧遠過夷亭明年甲辰科衛涇大魁天下國朝弘治初連歲潮復過夷亭於是毛文簡公澄朱恭靖公希周顧文康公鼎臣相繼狀元及第人謂舊識之驗後人因之復建候潮館於東關外

**石湖書院** 在縣治東薦嚴寺左范文穆公讀書處工部侍郎周忱改為巡撫行臺至今邑人猶以書院稱之園內有范公亭

**崑山鎮巡檢司** 在縣治西南二百二十步與賢坊東洪武十二年革去今巷名尤存其舊

**酒稅務** 在縣西南二里又有酒坊在縣治東南二十步

**四賢堂** 在李侍御巷內初宋孝宗時李衡為侍御史以論張說不行致仕而歸時給事中莫之倫不書勅直學

士周必大不草制諫官王希呂與衡相繼論奏不報四人同時去國布衣莊治賦四賢具詩以記其事後衡之孫潛作堂于家畫四賢像祠其中遂以名堂

**虹月樓** 在縣南朱玉君壁家玉善畫嘗作紫霧龍宮翠蓬犯境邑人皆弃家避難君壁獨抱二圖坐樓中家人不能強其去寇遙望城中虹氣貫月踪跡而來虹自居壁樓中出也疑有至寶登樓取觀執不肯與寇攘臂而得之乃二圖耳寇怒裂為碎紙而去揚鐵崖名其樓為虹月併記

戶部設置漳浦石浦新安三酒庫以贍軍吏部揭闕注官課入板曹兩浙漕臣提領其事月解徑詣臺縣無預

**近民館** 在縣治東後改為贍兵酒庫

**狀元坊** 舊志云在縣東南石浦鎮宋淳熙中衛涇魁多士立以表之



鳳凰石 在馬鞍山北 **郭**天星墜為鳳凰 壘浪耀靈景獨立 白玉岡如在赤霄頂 碯磈丹穴開 傍薄翠鱗並 渾

渾玉在璞 庚庚金出 礪寧支織女 織成 孰作補天餅 負力擁腫或病瘦 蜀圖雄八陣 周象重九鼎 鯨駭昆明池

蓮表泰華井來儀 欲巢閣覽德久延 頸架海功莫神沉 鄧 恐未醒山花雜五色 祥雲覆千頃 金鵲徒為瑞 雨燕漫飛

影鐵崖鐵作心吐句何奇警 寄語山中人 詩法當造請

桃源洞 在馬鞍山上 元泰定間 邑富民陳氏壘石為之中 國朝正統中 戴恂重脩 知縣楊子器記

市鎮

半山橋市 在縣治西北 百物咸 聚交易者日晏始散

周市 在縣東北 二十里

陸家浜市 在縣東南十二保 夏駕浦南 創於宣德初 年客商貨物咸自北 郡而來 頗稱繁庶

市心 在寶月橋 南今廢

後市 在後市橋 西今廢

紅橋市 在縣西 北今廢

都場市 永安市 俱載舊志 今無可攷

崑山鎮 在縣治東南 錢氏時設防 邊使王之元時 亦設崑山鎮 巡檢司 本朝洪武初革去

兵墟鎮 在縣東南 十八里 東通太倉 南接吳淞江 有稅課子局

泗橋鎮 在縣東南 三十六里 商 賈輳集 有稅課幕節

石浦鎮 在縣東南 四十里 南通澱山 湖北枕吳淞江 有巡檢司

安亭鎮 去縣東南 四十五里 與嘉 定縣接壤 有稅課子局

蓬園鎮 去縣東南三十里洪武初瓦浦有土神牌匾潮票  
至其地因名牌落私治間知縣揚子器易今名

鄉保

積善鄉在縣西北保二 第一保第二保 村二十一

婁縣 圓明 王巷 蔡巷 施巷 朱巷 郎墅

季巷 雍里 呂巷 廟墩 唐莊 石牌 北新瀆

楊家 楊巷 湓瀆 蔚洲 長墩 顧墓 支巷

朱塘鄉在縣西保二 第三保第四保 村一十九

毛巷 已城 顧巷 杭頭 高墟 新瀆 綽墩

武城 蔡巷 莊巷

先憶吾家春水船有酒有花重慶日無風無雨太  
年朝夕侍賓筵奎又有婁曲草堂謝應芳作銘

老華宅 在太倉城南木魚橋下嚴強齋嘗寄詩  
云木魚橋下城南路三十年前住復情

林大參鍾宅 在儒學後

櫟齋 在石浦衛湜正叔藏書之室葉適為記

樂菴 在圓明村宋侍御史李衡彥平歸老之地旁皆修竹  
經籍圖書史滿室自號樂菴安史樂庵初成方平自題

老子平生百不足菴成那管食無刻終朝閉戶只讀書四  
面開窓都見竹 投老庵居百事宜早眠晏起不論時更

長睡足披衣坐傾 耳林間竹盡眉

雪履齋 郭翼義仲所居楊維禎曰婁有隱君子郭翼氏極  
清而貧貧極而樂也以東郭先生故事命其所居

齋曰雪履惟東郭子之貧與履宜履之破與雪宜也  
為作操一解俾琴以歌之又有遷善齋李孝光為記

玉山草堂

顧仲瑛遊息之所內有齋室亭館其總名曰玉

崑山之西界谿上既與其仲為東西第又稍為園池別墅治  
屋廬其中名其前之軒曰桃源中之室曰芝雲東曰可詩  
齋西曰讀書舍後之館曰碧梧翠竹亭曰種玉合而稱之  
則曰玉山佳處也予恆崑仲瑛氏必居予佳處所且求誌  
勝屋顏按郡志崑山縣華亭陸氏祖所窆牛機雲時人因  
以玉出崑而名山崑邑山本號馬鞍出奇石似玉煙雨晦  
冥時有佳氣如藍田焉故人亦呼曰玉又曰崑而仲瑛氏  
之居去玉山甚遠矣奚以佳名哉山之佳在去山之外者  
得之山中之人未知也如唐之終南隱者與司馬道人指  
山之佳身固在山數百里之外也雖然終南之嘉終南之  
隱者未知也借嘉為捷仕之途千古慙德至於今山無能  
掩焉若仲氏之有仕才而素無仕志幸有先人世祿生產  
又幸遭逢盛時得與名人韻士日相優游於山西之墅以  
琴尊文賦為吾弗遷之樂則玉山之佳非仲瑛氏弗能領  
而有之與終南隱者可  
以辨其佳之誣不誣矣

梅段

韓涇

嚴巷

祁巷

于巷

顧墓

吳郊

景恭

園巷

徐莊

南戴

曹村

沈巷

唐家湖

唐巷

周巷

黃巷

顧巷

東馮

毛巷

衛巷

新村

韓村

三徐

惠安鄉在縣東北保一

第三十保

村十八

吳莊

丘墟

董村

谷息

陸浦

長段

牙洗

楊莊

後羅

王里

栢家

吳家

腰

黃涇

東谷

泗里

何村

唐村

坊巷

登平坊 在縣治東 倉巷內 惠政坊 在西寺巷內 消坊 在縣東

進賢坊 在縣西南 醋庫巷內 武寧坊 在縣西南 平橋西 坊 在縣東

齊禮坊 舊名近民坊 縣西南 平政坊 在縣西南 陳老坊 北 春坊 在縣東

日新坊 在縣治南 前新街 又新坊 在縣南 後新街 明德坊 在縣東

宣化坊 在平橋北 正統中知縣興昭移建 宣化坊 老橋北 卽平政坊故址 今名尚書坊

道德坊 在縣西南 酒坊橋西 太平坊 在縣東北 安平坊 在縣東

婁豐坊 在縣治東 北北柵 春和坊 在縣治東 積善坊 在縣東

厚俗坊 在縣東南 陳老橋東 寶信坊 在縣東南 寶信坊 在縣東南

忘問坊 在縣東南 安樂坊 在縣東南 安樂坊 在縣東南

興仁坊 在縣東南 南庫橋北 朝宗坊 在縣東南 南柵灣

餘慶坊 在縣東南 蕁菜橋東 玉鎮坊 在縣西 麓 迎恩坊 在西柵

片玉坊 在縣南 陳老橋西 榮錦坊 在南庫橋南 忠正坊 在趙忠簡府前 今廢

已上諸坊宋淳祐間縣令項公澤建主簿吳堅書扁今

並存之其進士舉人坊額古今廢與不一難以悉舉攷

之三不載故畧之

縣治東北宋咸淳間邑人榮生 股救母縣令謝公應建坊表之

孝感 縣治西南片玉坊內宋寶祐間邑人曹椿年判 病知縣胡榮白于郡郡守趙汝歷立坊表

及 補 俸 郎

又... 昌四坊皆古經所載今不可攷

東城巷 在縣東南 北倉巷 在縣東北

東會巷 在縣東北 李侍御巷 在縣東南

金車巷 在縣東南 貴德坊東

潘家巷 在縣東南 楊柳巷 在縣東南

北頭巷 在縣東北 太平橋內

西平橋 在縣東北 西平橋西

南平橋 在縣東北 南平橋南

載今不可攷

橋梁

太平橋 在縣東跨東市河永樂間里人周勝建

張家橋 在縣南洪武六年趙諸孫重建

酒坊橋 在縣治南舊名致和橋又名夢感橋元至正間建

陳老橋 在縣南片玉坊內

北倉橋 在縣東北元至正間徐壹建

泉安橋 在縣北柴巷內永樂初楊子華建

會仙橋 在清真觀前道土翟守真建

州東橋 在縣東跨東市河

平橋 在縣南百步跨市河

秦廸橋 在縣南武寧坊內

山溪橋 在縣北馬鞍山後

許墓塘橋 在縣北洪武初僧大心建

黃家橋 在縣北跨山塘涇洪武初防禦官李得建

泗安橋 在縣北黃家橋南元至正間顧榮三建

尊菜橋 在縣東南洪武十年楊子昌建

唐家橋 在縣東南厚俗坊內洪武間高昇建

通濟橋 在縣東南朝宗坊西宋嘉祐間張成建

寶月橋 在縣東南寶信坊洪武初馬福建

通闡橋 在縣東南洪武中史子明建

興福橋 在縣東南安榮坊東僧希顏建

甫庫橋 在縣東南積善坊洪武中顧福建

茅家橋 在縣東南儒學坊西邑民朱衍建亭築室於橋上

東城橋 在縣東南興仁坊北

羅漢橋 在縣東南安榮坊北僧希顏建

採蓮橋 舊名永福橋在縣東南李侍御巷北

惠政橋 在縣西南景德寺南

進福橋 在縣西南儒學東

舞雩橋 在縣西南儒學東

高平橋 在縣西南報國寺西

迎仙橋 在縣西南延福庵東

景德寺橋 在景德寺前至正三年僧自心建

普通橋 在縣西南秦迪橋北

無不利橋 在縣西南永懷寺西

戊巳橋 在縣東北婁豐坊內

富春橋 一名高板橋在縣東北跨至和塘

三元橋 在富春橋南隆慶六年建

望山橋 在縣東北跨東市河

全相橋 在縣西北跨西市河

萬壽橋 在縣東北跨東市河

安定橋 在縣東北

流慶橋 在縣東北旌孝坊內

奚婆橋 在縣東北跨木人涇宋嘉祐中奚氏建

清風橋 在縣西北跨西市河

明月橋 在縣西北跨西市河

半山橋 在縣西北跨至和塘

見山橋 在縣東北跨山塘涇

鼇峰橋 在縣西北洪武中陳伯川建又名樂輪橋

香花橋 在縣西北馬鞍山前跨山塘涇

揚家橋 在縣西北馬鞍山前跨山塘涇

板橋 在縣西北馬鞍山前

已上並在城內

金童橋 在大西門外

駟馬橋 在小西門外

玉虹橋 在東門外跨至和塘

太原橋 在小西門外

迎恩橋 在迎恩坊西跨小虞浦

榮陽橋 在太原橋西

通文橋 在玉峯倉東南今名鹹井橋

阜民橋 在玉峯倉南

應山橋 在玉峯倉後

東盈橋 在玉峯倉東北門

西盈橋 在玉峯倉西北門

利民橋 在北門外

蝦蟆橋 在正南門外

廣惠橋 俗名王官人橋在東南門外

普濟橋 在普濟橋南

新漕橋 在廣惠橋東

草堂橋 在舊超化院前

須浦橋 在舊超化院前

香花橋 在舊超化院前

秦浦橋 在品巷村

九里橋 即尤涇橋在縣西十里

真義橋 在縣西二十里跨真義浦

狀元橋 在縣東南石浦鎮宋祥符元年邑人胡道茂重修

接官亭橋 在縣東南石浦鎮宋祥符元年衛文節公建

淞南第一橋 在縣東南干墩浦永樂間范仲能重建

中正法華橋 在縣南注浦元至正間許氏建

永安橋 在縣東南兵墟鎮元至正間凌均善建

保安橋 在縣東南兵墟鎮元至正間唐子敬建

南夏駕橋 在縣東南二十二里  
永樂間張善寧建

廣順橋 在縣西南趙靈興福寺  
前洪武中僧智新建

郎浦橋 在縣西南盛蕩村  
洪武中邵七建  
泉安橋 在縣西南陳墓村跨界浦

濟眾橋 在縣西南陳墓村跨界  
浦永樂間顧克讓建

天寧橋 在縣西南  
陳墓村  
南石橋 在縣東南  
泗橋鎮

安里橋 在縣東南一十里  
入里跨車塘  
井亭橋 在縣東鍾家涇上  
洪武間郁道林建

道褐浦橋 在縣南七十二里  
洪武間李庸建  
涇浦橋 在縣南二十五里  
元至正間許八建

諸家橋 在縣南二十五里張潭  
浦永樂間王榮二建

三墩橋 二橋相向在縣南二十  
三里永樂間李子正建

刁家橋 在縣南三十里沈巷  
村永樂間陸興一建  
東宿浦橋 在縣南三十六里  
永樂間孫天澤建

西宿浦橋 在縣南三十六里  
永樂間陸顯宗建  
石浦橋 在縣東南四十里元  
至正間胡茂卿建

望江橋 在縣東南二十七里跨金  
竈浦元至正間張庸建

陸虞浦橋 在縣東南七十里  
洪武間王伯鈞建  
永寧橋 在縣西南二十里  
永樂中莊福建

武成橋 在縣西北三十六里  
洪武二十四年建  
張莊淒橋 在縣西北三十六  
里永樂十四年建

虹橋 在縣西北二十里跨温  
佳涇永樂中周道真建  
阜康橋 在縣西北二  
十里巴城村

壽安橋 在縣西北二十二里  
吳元年顧原純建  
唐涇橋 在縣西南一十五里  
洪武中龔榮二建

新瀆浦橋 在縣西南十五里  
永樂中金榮一建  
新塘橋 在縣北十八里宣德  
間高以平朱孟昭建

巴上並在外



井泉

玉泉井

在馬鞍山上宋淳熙七年僧妙因鑿

陸潛井

在南庫橋南宋咸淳二年陸潛鑿

王橋井

在普濟橋東宋咸淳四年王得鑿

王珠井

在通關橋西宋端平三年王珠鑿

羅家井

在楊編箕巷內宋紹熙元年羅端鑿

陸資井

在成定坊內宋紹熙四年陸資鑿

何寅井

在鰲峯橋下宋嘉祐十一年何寅鑿

張家井

在馬鞍山前宋紹定二年張忠鑿

義泉井

在薦嚴寺西宋淳祐三年陸仁鑿

呂家井

在鄧家巷內宋嘉定十三年呂珮鑿

沈家井

在牛山橋北元至正元年沈發鑿

顏氏井

在牛山橋西元至正十三年顏英鑿

祝氏井

在富春橋北洪武二十六年祝氏鑿

鹹井

舊名通源在小西門外鹹井橋北

義井

蔣志云縣城內外有井二十四處入角石關上刻義井二字若今之廣濟橋下萬壽橋東太原橋北景德

之以利一方之民惜其姓氏不傳

雙井

在報國寺前成化中鑿上各有亭邑人黃雲為記

楊巷井

在二保楊巷村上覆以亭坐者汲之往來稱便

海眼泉

在馬鞍山前宋開寶六年宋德重浚

雷愛泉

在駟馬橋下宋淳佑十年簿劉棠鑿後人思之故名

惠民雙井

一在申明亭前一在縣中思科鑿以便市廛

陳家井

在景德寺內東偏隆慶六年封君陳王政鑿



